



Broj: 04-47-5-520/21VT
Banja Luka, 25.08.2021. godine

Institut za intelektualno vlasništvo Bosne i Hercegovine (u daljem tekstu: Institut), na osnovu člana 14. stav (1) Zakona o kolektivnom ostvarivanju autorskog i srodnih prava („Službeni glasnik BiH“, br. 63/10; u daljem tekstu: Zakon), člana 115. stav (1) i 193. stav (1) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), postupajući po službenoj dužnosti, d o n o s i

RJEŠENJE

1. **Stavlja se van snage** Rješenje Instituta za intelektualno vlasništva Bosne i Hercegovine broj: 04-47-5-591/19VT od 27.08.2019. godine, kojim je Asocijaciji kompozitora – muzičkih stvaralaca (AMUS), Skenderpašina br. 1, Sarajevo, uslovno oduzeta dozvola za obavljanje djelatnosti kolektivnog ostvarivanje prava autora muzičkih djela, jer je AMUS postupio po nalogima Instituta i otklonio utvrđene nepravilnosti u radu.
2. Ovo rješenje stupa na snagu danom donošenja.

Образложење

TOK POSTUPKA

Postupajući po službenoj dužnosti, na osnovu člana 12. Zakona o kolektivnom ostvarivanju autorskog i srodnih prava („Službeni glasnik BiH“ br. 63/10; u daljem tekstu: Zakon), Institut za intelektualno vlasništvo BiH je izvršio nadzor nad radom AMUS-a za 2017. godinu i usklađenost poslovanja sa zakonima i dr. relevantnim propisima, u periodu od 13. do 14.11.2018. godine i 07.03.2019. godine, o čemu su sačinjeni zapisnici o izvršenom nadzoru, broj: 03-47-5-741-2/18 od 14.11.2018. godine i 03-47-5-741-8/18VT od 07.03.2019. godine.

U postupku nadzora nad radom AMUS-a, službenici Instituta su kontrolisali opšte i pojedinačne akte organizacije, kolektivne ugovore sa udruženjima korisnika, tarife i svaku njihovu izmjenu i dopunu, ugovore sa stranim kolektivnim organizacijama, odluke Upravnog i Nadzornog odbora i Skupštine kolektivne organizacije, isplate tantijema autorima, interne akte organizacije i finansijsku dokumentaciju.

U postupku nadzora nad radom AMUS-a uočene su određene nepravilnosti u radi, zbog čega je Institut donio dva rješenja, i to: Rješenje broj: 04-47-5-233/19VT od 14.03.2019. godine i Rješenje broj: 04-47-5-741-10/19VT od 01.04.2019. godine, kojim je AMUS-u naložio mjere za otklanjanje nepravilnosti u radu, u zadatak rokovima.

Rješenjem Instituta broj: 04-47-5-233/19VT od 14.03.2019. godine, AMUS-u je naloženo da u roku od 60 od dana prijema rješenja otkloni sljedeće nepravilnosti u radu: sazove redovnu sjednicu Skupštine na kojoj je potrebno razmotriti i usvojiti dokumenta predviđena članom 20. Zakona o kolektivnom ostvarivanju autorskog i srodnih prava, za 2017. godinu; razmotriti i odlučiti o svim dokumentima koji su navedeni u pozivu članovima Skupštine AMUS-a na elektronsko izjašnjavaње o dokumentima, koji je uputio predsjednik Upravnog odbora AMUS-a, dana 08.03.2019. godine, te staviti van snage sve odluke

WEB: www.ipr.gov.ba; e-mail: info@ipr.gov.ba

Sjedište: 88000 Mostar, Kneza Domagoja bb.; e-mail: mostar@ipr.gov.ba; Fax: +387 36 31 84 20;

Tel: Protokol +387 36 33 43 81; Ured direktora i zamjenika direktora +387 36 33 43 82 (Mostar);

Ispostava Sarajevo: 71000 Sarajevo, Bulevar Meše Selimovića 95, lamela C – 3.sprat; e-mail: sarajevo@ipr.gov.ba;

Fax: +387 33 65 27 57; Tel: Protokol +387 33 65 27 65;

Ispostava Banja Luka: 78000 Banja Luka, Akademika Jovana Surutke 13/3; e-mail: banjaluka@ipr.gov.ba; Fax: +387 51 22 68 41; Tel: +387 51 22 68 40

Odjeljenja: Nacionalni žig, Međunarodni žig +387 33 65 27 98; Patenti +387 33 61 80 95, +387 36 33 43 81;

Industrijski dizajn, Autorsko i srodna prava +387 36 33 43 81;

koje su donesene na osnovu izjašnjavanje na elektronskoj Skupštini AMUS-a (u periodu od 23.1. do 4.2.2019. godine) i to: Odluke o usvajanju Godišnjeg izvještaja i Izvještaja nezavisnog revizora za 2017. godinu; Odluke o usvajanju Godišnjeg plana i programa rada i finansijskog plana za 2019. godinu i Odluke o sredstvima za kulturne i socijalne namjene i njihovo razmatranje na redovnoj Skupštini.

Rješenjem Instituta broj: 04-47-5-741-10/19VT od 01.04.2019. godine, AMUS-u je naloženo da u roku od 90 od dana prijema rješenja otkloni sljedeće nepravilnosti u radu: izvrši izmjene i dopune Poslovnika o radu Skupštine, i to: u članu 14. stav (2) precizirati u kojim slučajevima se članovi Skupštine mogu izjašnjavati elektronskim putem ili putem zemaljske pošte, s tim da se ovakav vid izjašnjavanja ne može primjenjivati u slučajevima kada Skupština razmatra dokumenta iz člana 20. Zakona o kolektivnom ostvarivanju autorskog i srodnih prava; izmjene i dopune Statuta, pravila raspodjele ubranih naknada i godišnji plan raspodjele ubranih naknada, izbor i razješenje članova organa upravljanja kolektivne organizacije; izvrši analizu troškova poslovanja i o tome sačini izvještaj, koji treba da usvoji Skupština AMUS-a; da u godišnjim finansijskim izvještajima prikazuje tabelarno sve troškove kolektivne organizacije, sa detaljnim obrazloženjem svih troškova i da sačini instrukciju i definiše pravila o unosu „košuljica“ - podataka o korištenim (emitiranim) muzičkim djelima u sistem obrade podataka i način kontrole navedenih podataka, koji treba da usvoji Skupština AMUS-a.

Institut je dana 20.07.2020. godine pod brojem 04-47-5-456/20 zaprimio zahtjev AMUS-a za produženje roka za otklanjanje nepravilnosti u radu, odnosno produženje roka na koji je AMUS-u uslovno oduzeta dozvola, na period od 12 mjeseci. U zahtjevu je navedeno da AMUS nije bio u mogućnosti održati redovnu sjednicu Skupštine, na kojoj bi se razmatrala i usvojila potrebna dokumenta predviđena Zakonom o kolektivnom ostvarivanju autorskog i srodnih prava, zbog vanrednog stanja u zemlji izazvanog pandemijom virusa Covid 19 i zabrane okupljanja većeg broja lica na jednom mjestu. Zbog naprijed navedenog, AMUS nije mogao da postupi po Rješenjima Instituta, odnosno nije mogao da otkloni utvrđene nepravilnosti u radu koje su navedene u predmetnim rješenjima, a zbog čega je AMUS-u uslovno oduzeta dozvola na period od 12 mjeseci.


Institut je uvažio predmetni zahtjev, cijeneći opravdanim razloge navedene u zahtjevu podnosioca, te uzimajući u obzir odredbu člana 14. stav (1) Zakona o kolektivnom ostvarivanju autorskog i srodnih prava, kojom je propisano da se dozvola može uslovno oduzeti na period od 6 mjeseci do dvije godine (probni period).

Dana 24.06.2021. godine AMUS je održao redovnu sjednicu Skupštine, na kojoj su razmatrani i usvojeni dokumenti koji su navedeni u Rješenjima Instituta o nalaganju mjera za otklanjanje nepravilnosti u radu, i to: Godišnji izvještaj o radu za 2017. godinu; Revizorski izvještaj za 2017. godinu; Mišljenje Upravnog odbora AMUS-a o izvještaju nezavisnog revizora za 2017. godinu; Mišljenje Nadzornog odbora AMUS-a o izvještaju nezavisnog revizora za 2017. godinu; Izvještaj Nadzornog odbora za 2017. godinu; finansijski izvještaj za 2017. godinu; Analiza troškova i detaljan prikaz troškova AMUS-a za 2017. godinu; dokumenta predviđena članom 20. Zakona o kolektivnom ostvarivanju autorskog i srodnih prava, za 2018. godinu, 2019. i 2020. godinu (naprijed navedena dokumenta za 2017.); Analiza troškova i detaljan prikaz troškova AMUS-a za 2018., 2019. i 2020. godinu; Odluke o sredstvima za kulturne i socijalne namjene za 2018., 2019. i 2020. godinu; Odluku o stavljanju van snage dokumenata koji su doneseni na osnovu izjašnjavanje na elektronskoj Skupštini AMUS-a u periodu od 23.1. do 4.2.2019. godine; Odluka o stavljanju van snage Odluke da se isplata autorskih naknada izvrši na način da se izvrši isplata autorskih naknada u slučajevima u kojima nisu utvrđene nepravilnosti, a da se sredstva kod autora i emitera kod kojih su utvrđene nepravilnosti ne isplate do okončanja potpune provjere dostavljenih podataka; Pravilnik o muzičkim košuljicama i izmjene i dopune Poslovnika o radu Skupštine AMUS-a.

Razmatranjem i usvajanjem naprijed navedenih dokumenata, AMUS je postupio po nalogima Instituta i otklonio utvrđene nepravilnosti u radu, čime su se stekli uslovi da se Rješenje Instituta o uslovnom oduzimanju dozvole AMUS-u, za obavljanje djelatnosti kolektivnog ostvarivanje prava autora muzičkih djela, stavi van snage.

Na osnovu naprijed navedenog, a u skladu sa članom 14. stav (1) Zakona, Institut je donio rješenje kao u dispozitivu.

Pouka o pravnom lijeku: Ovo rješenje je konačno u upravnom postupku. Protiv ovog rješenja može se pokrenuti upravni spor, podnošenjem tužbe Sudu Bosne i Hercegovine u roku od 60 dana od dana prijema rješenja.



DOSTAVLJENO:

-Asocijacija kompozitora-muzičkih stvaralaca (AMUS)

Skenderpašina br. 1, Sarajevo

-a/a